

中國方志叢書·華北地方·第四四九號

據

清·李洪修，席慶雲纂
清光緒二十一年刊本

影印

河南省

虞城縣志

(三)

成文出版社有限公司印行

中華民國六十五年 月壹一版

虞城縣志

全三冊

發行人：黃 成 助

出版者：成文出版社有限公司

台北市郵政信箱二二六〇五號
台北市羅斯福路三段二四〇巷五號

印刷者：成文出版社有限公司

內政部登記證內版台業字第一一四七號

虞城縣志卷之九

書

宋

與王狀元

堯臣

范仲淹

某再拜狀元正言學士邙中得來教喜可知也
某四月半到郡重江亂山目不可際懷想朋戚
寧莫依依而水石琴書日有雅味時得佳客相
與咏歌古人謂道可樂者今夫信然惟閣下居
喪食貧聚數百指前望高遠宜無動懷善愛善

愛

出范文正
公尺牘

明

東撫臺吳韞菴公祖

楊東明

邑人
侍郎

秋來兩承台翰注存之意出於格外感激何可言盡前所示焚書其中透悟語固多而邪辟者亦自不少蔡孝廉拒之甚力具見衛道雅意耿老先生語俱純粹中正真昭代大儒獨與老公祖戒講學書不能無疑老公祖位高責重政事繁勞其不暇設壇招聚徒侶朝夕會講也明矣

獨所謂講學者不在講與不講之迹但論此心
能已不能已耳苟立地欲躋聖域期與天下共
明此明德自覺一之良輔意思便不精彩此而
欲不會友輔仁不可得也且老公祖講學奚必
開塲聚徒哉近而面語監司遠而移文郡縣一
出言一行事一發號施令無非薰蒸以學問庶
幾浸漬之久人心可正吏治民風由此丕變所
謂師道立而善人多兼善之治可望矣醫說有
云蔽此恒性視人之邪慝爲無關是自私其學

而棄天下後世大罪也由斯以談講學果可已乎不可已乎堯舜君天下而諄諄於危微之訓孔子相魯國未聞謝去及門之徒陽明爲軍門擒宸濠日勸勦軍旅事而生徒之聚講不輟彼大聖大賢何樂爲此只爲三才並立之事萬世不朽之業非一人之聰明力量所可及也且知人安民四字信有經年講不徹者恐此事不由學問中出將衡鑒先爽於我而下吏且無所與起其所稱安民者不過催科聽斷粗了民事而

已此外非所敢望也今天下撫臺不講學者衆矣其於知人安民何如哉特在教下輒敢緩頰如是無非就正有道之意也幸照宥

東按臺金麓陽公祖

楊東明

東明泥中人也宜啟齒頰談事第聞古之人居鄉善俗凡地方緊切事有上司公祖欲聞無由者敬一陳之是亦所以通上下之脉而共成濟世安民之志者也則言何可已哉謹按中州自河變以來生民塗炭遠不及知如商虞永夏

之區蒹葭極目獐兔爲羣蓋儼然草昧未判之
景象也撫臺公祖目擊心惻慨然發牛價給籽
種許以荒地不起科者三年此所謂贖蕩之恩
也乃百姓無祿去年傷雨欲開墾而不得今歲
傷旱欲播種而未能閭閻之間方且圉圉未舒
嗷嗷待命乃一旦並徵三十五六年之額糧又
一旦督完二千五百之牛價其他四季條鞭毫
不敢缺誠恐積苦災民敲骨剔髓不能應上之
求矣當此之時卽有良有司軫念民瘼多方調

劑而迫於上令且凜凜然有忝罰之慮矣豈不
官民兩困也哉願老公祖與撫臺公祖計將荒
地錢糧特行題免不然則再寬一歲俟大熟之
年並牛價陸續帶征庶瀕河郡縣可以轉危爲
安而中州元氣不至剝蝕之盡矣至於弭盜一
節尤屬喫緊蓋宋以東地連三界戎寇易生而
萑葦之叢又可憑藉河上招夫半屬無賴以故
商虞永夏之區盜賊頗多刦剝接踵最可異者
天不祚良民而遠近宦遊者常過仁於暴子弟

明知盜發而不問或已成擒而釋之間有嚴於捕盜者一具申文輒蒙叱駁爲盜者縱之使去捕盜者羅於重刑於是盜乃無所忌憚蔓衍日繁境內騷然不寧誠恐大勢釀成合謀共起然後徐議剿除不亦晚乎昔王堂師尚詔一呼而數千響應一鼓而直取歸德往事不遠可爲殷鑒願老公祖與巡道公祖計嚴禁有司不得隱匿盜情巡捕官以獲盜多寡爲殿最又不時體訪有隱匿不報者嚴提究治至於剪窩主以清

巢穴修城池以峻保障定保甲以嚴譏察練民
兵以脩征調皆弭盜急務宜飭有司着實舉行
又近日河中水盜橫行隨波上下擒捕爲難宋
碭之間爲害甚大謂宜將管河衙官移鎮河口
一取河務得專一取就便擒賊是亦廓清水盜
之一策也頃讀老公祖報災疏弭盜令其爲貧
民乞命者旣極其懇惻爲民禁暴者又極其森
嚴蓋已灼見中土之情而曲爲綢繆之計矣願
德意蒸蒸闕而未流則明何能以無言哉嗟嗟

廟堂之上百度廢弛極重難返本實已先撥矣
而各省直枯旱怪雨民不聊生則枝葉未可謂
無害也所賴良有司念切國本加意撫摩毋炫
虛文塗上之耳目毋實囊橐剥民之脂膏毋峻
法嚴刑戕民之性命庶幾生氣常盎于民間緩
急可恃以無恐是在老公祖於激揚間加之意
焉耳東明跼伏草莽緘口何難顧出位多言之
愆不勝安危利災之惧用是仰體皇華之盛意
俯竭芻蕘之愚悰伏惟老公祖鑒察施行中州

幸甚

護

明

虞城河患述聞說

王尙賢訓導

按虞城之地上接考城下接礪山鄰比數縣皆
窪低爲聚流之所每經河水互相傾注不數年
間迭爲變遷如河決考礪則土聚虞城河潰虞
城則土聚考礪故黃河舊道盡爲湮沒歷年水
患甚艱苦居無室廬食無粟麥將築堤則無山

陵可倚四望相平欲濬河則易於淤塞徒費人
工甚爲無策至于霖潦泛溢飲以桔槔之功而
勝大河之勢豈不戛戛乎其難哉本縣堡夫止
六十名一興大功仰給各縣何以成虞民莫安
之地今於李景高口西岸濬河分水南行則本
縣之永障少此千戶劉勇所議最爲得策又自
楊厚口起築堤分水使下流有歸蓋得治水之
法一日躡下流以殺水勢者是也及夫分流之
處其間蓋有高腴田土屬于窪下勢難培護欲

得盡如人意有所未能但當置之弗恤免其租
稅而已此治水之法不與水爭利者是也水勢
分流虞民允爲賴焉雖然黃河水患古今難防
自周以前河之勢自西而東而北漢之後河之
勢自南而北而東宋後迄今自西而東而之南
矣故我縣洪武間河決黑陽經于開封之城北
正統年間河決滎陽經於開封之西南舊河在
汴之南自是在汴之北矣河之變徙若此正太
史公所謂河災衍溢害中國也尤甚徵之於古

竊于虞城深有隱憂不可不早爲之圖預爲之防也試以虞城古治言之舊治臨河居縣之後預料水患改遷今城迨嘉靖庚寅河水泛溢而舊治之地淤爲平土埋座植水沒杪過于尺餘昔之窪下之區咸類岡陵之域虞民視之若爲樂土殊未諳燕雀處堂厝火積薪之慮且蟻穴不塞遂成江河焉知歷數十年後地道變盈河流泛漲而枯楊根株日隨朽腐水勢乘虛潏迴衝激將來之患焉能保其不復同於昔日之患